

馮有真署

新疆視察記

河北認署



羅部長序

昔洪稚存著天山紀程，天山客話及伊犁紀事詩，吳漢槎著秋笳集，詳於西域之風土道里，或搜及軼事，而略於當時政治，言掌故者憾焉。余於上年八月奉命西巡，同行者爲林君東海，馮君有真，王君蘭錦，經長安，蘭州，迪化，塔城，伊犁，假道俄境，至海參崴航海而歸，旅行凡七旬有九日，有真於途中誌其所歷，先自新西比利亞東返，抵都後，復根據考察之所得，證以舊籍之所載，爲有系統記述，貢諸社會，夫以西北幅員之廣沃，屏藩之重要，國人迺久不措意，有真之所筆錄，雖倉卒操觚，未能詳贍；且文詞之斐亹，不逮洪吳遠甚，而在今日足以引起社會之視線，則斯編抑等於破卵之殼也歟！

卷首語——代序

民國二十二年八月，司法行政部部長兼前外交部部長羅文幹氏，奉國府命出巡新疆，記者任職司法行政部，承囑隨行，親歷邊土，實地考察，感觸殊深。返京後，曾將所著「新疆視察記」送中央通訊社發表，承全國各地報章紛紛刊載，頗引起國人對邊疆之注意。其後復應南京時事月報社之請，作「新疆與新疆事變」一文，對新疆一切情形，及新疆事變之前因後果，作較有系統之敘述。刊載以後，各地讀者紛紛來函，囑將兩文合刊單行本，記者亦以新疆爲我國西北邊防重鎮，幅員之廣，寶藏之富，不亞已失之東北四省，而危機緊迫，隱憂潛伏，尤遠過當年之東北，遂不揣鄙陋，將兩文稍加整理，附以各項照片。合刊問世。以期喚起國人對邊疆情形之密切注意，共謀救濟開發，使西北邊陲，不爲東北之續，斯則記者區區之微忱也！

抑尤有進者：當記者草「新疆視察記」時，曾一再以新疆長此變亂，必引起更嚴重之糾紛爲慮；著「新疆與新疆事變」一文時，又諄諄以新疆必須立即結束戰亂，否則前途不堪設想爲言，乃文甫付梓，

而南疆喀什噶爾果以組織獨立政府聞矣！嗚呼！何余言之不幸而中耶！喀什之獨立，初傳於一月二十三日之路透電，二十四日之塔斯電，其後又續有傳述，惟所謂獨立政府之範圍若何，內幕奚似，尚未詳盡宣露，但其幕後自有背景，則毫無疑義。其實，南疆之獨立，已不自今日始。當二十年三月，哈密發生變亂，翌年夏南疆首府之喀什，亦繼起響應，師長金樹智首被暗殺，行政長馬紹武率部平亂，激戰數月，不支潰退，自後南疆各地，悉入纏回之手，漢籍官憲商民，或則遇難，或則逃亡，已無立足之所。省府對此，既不能派兵平亂，又不能派員宣撫，南疆遂早與北疆隔絕，形成分離之局面。迨黃慕松羅文幹二氏先後入新，宣慰巡視，均有親赴南疆之意，俾安撫纏回，仍隸省府，祇以北疆軍人戰亂不已，交通梗阻，致不果行，坐令南疆造成獨立之局面，而無從挽救。爲今之計，治標之策，首須立即結束北疆戰事，以謀秩序之安定。然後派遣大員，親赴南疆安撫，纏回各族，向稱柔和，擁護中央，素具誠意，今茲獨立，祇因受人煽惑，及早安撫，尚不難消弭無形。若任其遷延，則不但南疆獨立之局面，益形根深蒂固，即北疆亦難保不生他虞，彼時邊疆藩籬，恐不復爲我有也！至於治本之策，如整理財政，開闢交通，……諸端，拙著已論詳，不庸再贅矣。

目次

新疆與新疆事變

導言

上篇 新疆

(一) 新疆之沿革

(二) 新疆之人種

(三) 新疆之財富

一 礦產 二 鹽 三 牧 四 農 五 蠶

中篇 新疆事變

新疆觀察記 目次

一

(一) 楊增新時代之新疆……………三三

一 楊增新初握政權 二 平定哈密亂 三 消滅哥老會 四 統一全疆 五 抵禦蒙亂

六 防範俄哈 七 平定白俄變亂 八 楊增新之功罪

(二) 金樹仁時代之新疆……………四四

一 七七之變 二 哈密亂之起因 三 事變擴大——馬仲英入新 四 張培元一度平亂

五 省軍再度大敗 六 馬世明竄擾南疆 七 馬世明圍攻迪化 八 迪化政變——金樹仁被迫下野

九 新蘇協定

(三) 新疆事變之推演……………五五

一 馬仲英再度入新 二 黃慕松入新宣慰 三 羅文幹入新巡視 四 盛馬再戰之原因 五 盛馬戰事之演進

(四) 新疆事變之結果與危機……………六二

一 人民流離 二 財政破產 三 金融紊亂 四 經濟與商業被人操縱

下篇 建議……………七三

(一) 結束戰事撫綏流亡·····	七三
(二) 整理財政·····	七四
(三) 開闢交通·····	七五
(四) 整理軍隊·····	七六
(五) 推進教育整頓司法·····	七七
(六) 統一外交·····	七八
(七) 分省·····	七九
(八) 改革政制移民殖邊·····	八〇
(九) 結論·····	八一

附錄

(一) 新蘇協定全文·····	八二
-----------------	----

新疆視察記

(二) 羅文幹呈行政院新疆善後以開闢交通爲先務請擇要次第籌辦以資補救文·····	八八
--	----

(一) 珍重話別·····	一一九	(十) 郊迎十里·····	一二八
(二) 機中厄運·····	一一九	(十一) 省府歡宴·····	一二九
(三) 又一重天·····	一二〇	(十二) 甘省司法·····	一三〇
(四) 安抵西京·····	一二一	(十三) 歡迎大會·····	一三一
(五) 視察法院·····	一二二	(十四) 留蘭印象·····	一三三
(六) 雨阻行人·····	一二四	(十五) 皋蘭小遊·····	一三四
(七) 西安一瞥·····	一二五	(十六) 涼州今昔·····	一三六
(八) 絳雨閩人·····	一二七	(十七) 驢車滋味·····	一三七
(九) 啓飛皋蘭·····	一二八	(十八) 哈密晤回王·····	一三八
			一九

(十九) 回城劫灰·····	一四〇
(二十) 狂風暴雨抵迪化·····	一四一
(二十一) 迪化之初度巡禮·····	一四二
(二十二) 新疆寶藏之一斑·····	一四四
(二十三) 苦惱之宴會·····	一四五
(二十四) 接見纏回代表·····	一四五
(二十五) 劉盛宣誓就職·····	一四六
(二十六) 江浙會館之歡迎會·····	一四七
(二十七) 所謂新聞事業·····	一四八
(二十八) 滿目荒涼赴吐番·····	一五〇
(二十九) 歸化軍·····	一五一
(三十) 屍骸遍野·····	一五二

(三十一) 原始生活·····	一五三
(三十二) 爭食抓飯·····	一五三
(三十三) 羅部長初試駿騎·····	一五四
(三十四) 荒漠清泉·····	一五五
(三十五) 馬部郊迎·····	一五六
(三十六) 會商結果圓滿·····	一五七
(三十七) 馬就警備司令·····	一五九
(三十八) 吐魯番之種種·····	一六〇
(三十九) 馬仲英之素描·····	一六三
(四十) 返迪途中之不幸·····	一六四
(四十一) 盛世才態度突變·····	一六五
(四十二) 出境須領許可證·····	一六六

(四十三) 飛航返京不果·····	一六七	(五十五) 由綏來至烏蘇·····	一八四
(四十四) 赴塔幾難成行·····	一六八	(五十六) 蒙古包前宰肥羊·····	一八六
(四十五) 戰機暴發·····	一六九	(五十七) 老風口之狂風·····	一八九
(四十六) 戰事再起之原因·····	一七〇	(五十八) 經額敏至塔城·····	一八九
(四十七) 戰事之推測·····	一七二	(五十九) 塔城之種種·····	一九〇
(四十八) 新疆之財政狀況·····	一七三	(六十) 入俄境感慨邊防·····	一九二
(四十九) 金融紊亂之一斑·····	一七五	(六十一) 斜米之三日休息·····	一九四
(五十) 交通與商業·····	一七六	(六十二) 羅顏會談二日·····	一九六
(五十一) 教育與司法·····	一七八	(六十三) 分道揚鑣·····	一九八
(五十二) 啓程赴塔經昌吉·····	一八〇	(六十四) 過日返京·····	一九九
(五十三) 呼圖壁土坑過宿·····	一八二	(六十五) 羅赴伊後返京·····	二〇一
(五十四) 拂曉啓程赴綏來·····	一八三		

新疆與新疆事變

導言

新疆屏障西北，爲我國邊防重鎮。幅員之廣，爲全國行省之冠。然有史以來，此被視爲塞外之新疆，幾不爲新疆以外之中國人所注意，而新疆之地方當局與人民，對新疆以外之國事，亦漠不關心，故新疆雖爲中國最大之行省，幾形同中國之另一區域。

以迄前歲，此向稱寧靜之新疆，突發生嚴重之事變與糾紛，言其性質，則除軍人爭權奪利外，尙夾雜種族之仇視與讎殺；言其時會，則適值東北淪亡，國難嚴重之際；於是舉國惶惶，深以新疆將爲東北之續爲慮，中央既先後派遣大員入新宣慰巡視，用見中央對邊疆之關切；報章雜誌，亦常將邊疆情形，作片段的或有系統之紀載，以喚起國人之注意。然新疆究爲一若何之所在？窮鄉僻壤乎，抑寶藏豐富之區乎？新

疆之事變，究爲若何之性質？軍人爭權奪利乎？抑種族讎殺乎？中央對新疆究應若何措置？聽其自然乎？抑協同地方當局銳意開發乎？凡此種種，吾恐國人之能有正確之概念者，萬不得已。

吾人如以新疆與東北作一比較，則簡單言之：論幅員，則新疆一省較已失之東北四省尤爲遼闊；論財富，則根據若干之調查與記載，新疆之寶藏，亦決不在東北之下；論危機，則外交方面，東北向在日俄兩大勢力對峙之下，新疆則爲俄英土三國環攻之中，種族方面，東北雖已由一般甘爲奴顏婢膝之漢奸組織所謂「滿洲國」，然明眼人均知其爲日本之傀儡；新疆則種族複雜，除約占全人口十分之一之漢人居統治階級外，其他纏回蒙哈等尙多至十餘種，其言語文字生活習慣風俗宗教均與漢人迥異，故新疆之危機，卽就外交與種族而言，已遠在東北之上。吾人鑒於新疆幅員之遼闊與寶藏之豐富，卽可知此土之亟應開發；鑒於東北之淪亡，亦可知新疆危機之緊迫矣！

記者前隨羅部長出巡新疆，親歷斯土，感觸良深，返京後，曾將所作邊疆視察日記刊載報章。茲承本報之囑，特再不揣簡陋，根據個人實地考察之所得，參證新疆原有之典籍，將新疆之一切作一較有系統之紀述。分上中下三篇。上篇記其沿革人種及財富，中篇記新疆事變之遠因近因及其演進與結果，下篇

述個人之建議。如因此而能多介紹關於新疆之智識，引起政府與人民對新疆更進一步之注意，共謀救濟，力圖開發，俾此蘊藏豐富之破碎河山，不爲東北之續，斯則記者所馨香禱祝者也！抑尤有進者，國人對於新疆問題，迄今尙鮮專書記述，而歐西人士，對新疆之著作，則已都凡數十種，記者自審才識膚淺，且又限於精力時間，斯文所述，難免掛一漏萬，如荷讀者不棄，進而教正，俾能修改補充，則幸甚矣！

原书空白页

上篇 新疆

(一) 新疆之沿革

新疆東扞長城，北蔽蒙古，南連西藏，西倚葱嶺，居神州大陸之脊，爲我國西北屏障。秦以前，邊徼荒遠，阻絕未通，其族逐水草爲居，專事游牧，稱爲行國。漢時，其地稱爲西域。漢武帝結烏孫伐大宛，出輪臺渠犂，置使者校尉，領護山南諸國。然其時僅獲南道，未能盡併北道也。及鄭吉爲都護，治烏壘城，始兼領北道。後漢中興，未遑外事，山南君長，互相攻擊，裂爲五十餘國。其後班超征西域，復置都護，長吏，戊己校尉，更治其地。安帝罷都護，棄西域，而北匈奴復收屬諸國，其爲邊患，時議者欲閉玉門關以絕之，賴陳忠之謀，久而獲定。魏晉以降，中州雲擾，鮮卑西部起山北，致強大，其支族豪長，如慕容拓跋宇文秃髮乞伏諸氏，竊據華夏，達數百年。北魏則有蠕蠕悅般高車，後周則有突厥鐵勒，皆分據北疆，迭爭雄長。迄於隋季，世爲邊寇。唐太宗征鐵勒，平高昌，滅薛延陀，逐西突厥於伊麗河，悉定西域之地，置北庭都護，以監北道，安西都護，以監南

道，其下復設都督，府，州，縣，並置戍兵，由是邊庭晏然，達六十年。開寶之後，唐室中微，西域領土，北淪回鶻，南入吐蕃，沙陀復起金山，而承其敝。逮於五季，邊禍相屬。宋時，遼最強盛，天山南北，悉降於遼。元起朔漠，盡取塞地，山北爲阿力麻里及回鶻五城地，諸王海都行營統軍之所。山南爲別矢八里，諸國地，置宣慰司，元帥府以統之。明代國威不振，瓦剌猖獗，長驅內犯，是有土木之變。其後，畏兀兒吐魯番諸族，更盛迭衰，而山北之地，復分爲四衛拉特部。雖時一朝貢，然終不能撫而有也。以迄清代，準噶爾僭強西陲，自康熙以迄雍正乾隆三朝之間，一討噶爾丹，再俘達瓦齊，三殲阿睦爾撒納，是爲北疆底定之始。既而回酋霍集占兄弟，煽衆爲亂，清師南嚮，迭克名城，兄弟授首，南疆遂定。其後準噶爾族再叛，乾隆平之。乾隆二十四年，建總統伊犁等處將軍，參贊大臣，辦事大臣，同知總管等官，鎮撫之。而劃烏魯木齊以東地，改置州縣，隸於甘肅省。爵回準王公台吉，世襲，并設回部諸札薩克，伯克，分理回務，鈴束其衆。當是之時，新疆版圖，廣輪二萬餘里，朝貢者，若哈薩克，布魯特，浩罕，安集延，瑪爾噶朗，那木干，塔什干，巴達克山，博洛爾，布哈爾，阿富汗，痕都斯坦，巴勒提復十餘國。^二白漢唐以還，未有若斯之盛也。咸豐同治之際，用兵東南，黠回金相印等，鑒新疆備弛，陰結安集延，會阿古柏作亂，陝回白彥虎應之，盡失天山南北之地。而俄羅斯藉代我收復爲名，入踞伊犁。時

議多主閉關，左宗棠督師甘肅，獨力持不可。謂新疆不定，蒙古不保；蒙古不保，秦晉各邊時虞侵軼，京師亦不得其衛。清廷用其議，大軍西指，盡復其地。光緒四年，左宗棠建議開行省，設郡縣，爲久遠計，時以伊犁未歸，不果。及西四城逸會再糾衆犯邊，左復申前議，未及行而內召，以劉錦棠代之。光緒七年，伊犁款議成，俄方反我侵地，翌年陝甘總督譚鍾麟及劉錦棠增修左之條陳，於是新疆行省之議定。設巡撫於烏魯木齊，歸甘肅總督兼轄。並設甘肅關外等處布政使一員，以鎮迪道加按察使銜，兼管全疆刑名驛傳諸事。其他各地，亦分設官職。其後，又迭年增設官職。計自光緒八年，至二十八年，凡設道四，府六，廳十一，直隸州二，州一，縣二十一，分縣二，東西七千餘里，南北三千餘里。民國以來，楊增新金樹仁先後統治新疆軍民兩政。屬治官階，迭有更改。現全省就原有之八道，劃爲八行政區，共分六十六縣。區設行政長一人，以爲全區之行政首領。縣設縣長。茲將各區及縣屬分列如下：（一）迪化區，轄迪化，昌吉，綏來，阜康，孚遠，呼圖壁，乾德，奇台，木壘河，哈密，鎮西，鄯善，七角井等十三縣。（二）伊犁區，轄伊犁，綏定，博樂，精河，鞏留，霍爾果斯，特克斯等七縣。（三）塔城區，轄塔城，沙灣，烏蘇，額敏，和什，托落蓋等五縣。（四）阿山區，轄承化，布爾津河，布倫托，哈巴河，吉木乃等五縣。（五）阿克蘇區，轄阿克蘇，溫宿，拜城，庫車，沙雅，烏什，托克蘇，阿瓦提，柯坪等九縣。（六）喀什